

Islamska zajednica u Bosni i Hercegovini
Muftijstvo zeničko
Medžlis Islamske zajednice Zenica

BISMILLAHIRRAHMANIRRAHIM

Pitanja iz Ilmihala 2

(Drugi (II) nivo)

Peti razred

**Medžlisa Islamske zajednice Zenica
u mektebskoj 1443. h.g. - 2021/2022. godini**

Ševval / zul kade 1443. h. g. /maj /jun 2022. g.

Pitanja iz Ilmihala 2

(Drugi (II) nivo)

Peti razred

1. Šta je potrebno da bi sačuvali svoje zdravlje?

Izvršavati djela koja je Allah dž.š. naredio kao što su namaz, post i sl., činiti djela koja je Allah dozvolio kao što su spavanje, odmaranje, čuvati se harama kao što su alkohol, droga, cigarete, nargile, zdravo se hraniti tako što moramo jesti raznovrsnu hranu, umjeren rad i privređivanje, na vrijeme leći i ustati, baviti se sportom, i ukoliko se razbolimo obavezno potražiti pomoć i savjet od naših ljekara.

2. Koje namirnice je Allah spomenuo u Kur'anu?

Med, smokve, masline, grožđe, voda, mlijeko, hurme, nar, crveni luk, leća, pšenica, krastavci, banana, tikva.

3. Nabroj zabranjenu hranu i piće?

Svinjsko meso, prerađevine od svinje i svinjska mast, meso uginulih životinja, meso svih deraćih životinja, gmizavaca i glodara, krv, alkoholna pića, opojna sredstva, prejedanje svake vrste hrane.

4. Nabroj sunnete ili lijepo postupke prilikom jela?

Jesti desnom rukom, jesti ispred sebe, biti zadovoljan onim što imamo, ne tražiti mahane hrani, ne jesti vrelu hranu, u hranu ne puhati da se tako ohladi, ne prejedati se, nakon jela kazati el-hamdulillah, oprati ruke, usta i oprati zube.

5. Obaveze djece prema roditeljima?

Voljeti ih, biti im poslušan, činiti im dobro, biti prema njima blag i poslušan, obraćati im se riječima punim poštovanja, - neposlušnost prema njima je veliki grijeh, dozvoljeno im je odbiti naređenje jedino ako nas navode na grijeh.

6. Dužnosti i obaveze prema braći i sestrama?

Pored roditelja, važno mjesto u našim životima zauzimaju i naša braća i sestre. Redovno ih posjećujemo, pomažemo im, obilazimo ih kad se razbole, suosjećamo s njima, kada umru klanjamo im džezazu, molimo Allaha za oprost njihovih grijeha.

7. Koje vrste srodstva (rodbine) postoje?

- Srodstvo po krvi,
- Srodstvo po mlijeku

8. Šta je halal a šta haram?

HALAL je sve ono što je Uzvišeni Allah dozvolio, a HARAM je sve ono što je Uzvišeni Allah strogo zabranio.

9. Koristi namaza?

Namaz nas čuva od grijeha, odgaja nas da budemo tačni, precizni, organizirani, te da i naše tijelo bude aktivno i u pokretu. Onaj ko klanja odgojen je tako da sve radi u ime Allaha te nas namaz čuva. Prvo za šta će čovjek biti pitan na Sudnjem danu je namaz. Ako mu namaz bude ispravan biće mu ispravna i ostala dijela, a ako mu namaz ne bude ispravan propast će mu i ostala dijela (hadis)

10. Koliko rekata ima podne namaz i kad se klanja?

Klanja se kada sunce pređe polovinu neba. Podne namaz (zuhri) ima 10. rekata i to: 4 sunneta, 4 farza i 2 sun-suneta.

11. Kako se klanja podne namaz?

Podnevski sunnet se zanjieti ovako: Nevejtu en usallije lillahi teala salate sunnetiz-zuhri, edaen mustakbilel kibleti Allahu ekber.

- Subhaneke, euza, bismilla, fatiha i sura
- Bismilla, fatiha i sura
- Ettehijjatu
- Bismilla, fatiha i sura
- Bismilla, fatiha i sura
- Etehijjatu, salavati, dove i predamo selam

Podnevski farz se zanjieti ovako: Nevejtu en usallije lillahi teala salate fardiz-zuhri edaen mustakbilel kibleti Allahu ekber.

- Subhaneke, euza, bismilla, fatiha i sura
- Bismilla, fatiha i sura
- Ettehijjatu
- Bismilla, fatiha
- Bismilla, fatiha
- Ettehijjatu, salavati, dove i predamo selam

Podnevski sun-sunet se zanjieti ovako: Nevejtu en usallije lillahi teala salate sun-sunetiz-zuhri edaen mustakbilel kibleti Allahu ekber.

- Subhaneke, euza, bismilla, fatiha i sura
- Bismilla, fatiha i sura
- Ettehijjatu, salavati, dove i predamo selam.

12. Šta je mesh?

Potiranje mokrom rukom jednog dijela tijela ili dijela odjeće radi čišćenja, ako se u izuzetnim slučajevima, ne može oprati taj dio tijela.

13. Po čemu možemo uzeti mesh?

Mesh po mestvama i zavoju.

14. Šta kviri mesh (potiranje) po mestvama?

Sve što kviri abdest, skidanje mestvi, istek vremena...

15. Šta su mali grijesi?

To su grijesi za koje nije predviđena šerijatska kazna niti postoji otvorena prijetnja Džehennemom. Međutim ukoliko osoba stalno čini male grijehe oni postaju veliki. Mali grijesi su: pričati i razgovarati dok se uči ezan i ikamet, pričati dok se uči Kur'an, vršiti veliku ili malu nuždu okrenut prema Kibli, slušati ogovaranje, ignosrisati muslimana i muslimanku bez ikakvog razloga.

16. Šta su veliki grijesi?

Veliki grijesi su grijesi koje je Allah Uzvišeni strogo zabranio i za počinioca ove vrste grijeha **sljedi kazna** i na Dunjaluku i Ahiretu. Veliki grijesi su: ubistvo i samoubistvo (suicid), ostavljanje namaza, neizvršavanje islamskih dužnosti posta, zekata i hadža, neposlušnost prema roditeljima, kidanje rodbinskih veza, blud, trošenje imetka siročadi, laž, igre na sreću (kladionica, bingo, loto), prenošenje tuđih riječi, ogovaranje, alkohol.

17. Šta su teški grijesi?

Teški grijesi su grijesi koji izvode počinioca iz vjere. Teški grijesi su: KUFER (nevjerovanje u Allaha dž.š.), ŠIRK (pripisivanje Allahu dž.š. druga), RIDDET (napuštanje vjere islama), NIFAK (licemjerstvo u vjeri), PSOVANJE ALLAHA, POSLANIKA, KUR'ANA, DŽAMIJE, KABE, ISLAMSKIH SVETINJA, PORICANJE FARZOVA – ALLAHOVIH NAREDBI I HARAMA- ALLAHOVIH ZABRANA. Osoba koja učini neki od pomenutih grijeha, izlazi iz vjere a da bi ponovo postala musliman mora učiniti tevbu (pokajanje), okupati se te izgovoriti kelime-i-šehadet te se više ne vraćati tom grijehu !

18. Šta je tevba?

Tevba je pokajanje za učinjeni grijeh. Da bi tevba bila primljena potrebno je da osoba prestane sa činjenjem tog grijeha, srcem se pokaje i više se ne vraća grijehu. ESTAGFIRULLAH – Allahu oprosti!

19. Koliko ima rekata ikindija namaz i kako se klanja?

Ikindija namaz (asri) ima 8. rekata, 4 sunneta i 4 farza. Ikindijski sunnet se zaniijeti ovako: Nevejtü en usallije lillahi teala salate sunetil-asri, edaen mustakbilel kibleti Allahu ekber

- Subhaneke, euza, bismilla, fatiha i sura
- Bismilla, fatiha i sura
- Etehiijatu i salavati
- Subhaneke, euza, bismilla, fatiha i sura
- Bismilla, fatiha i sura
- Etehiijatu, salavati, dove i predamo selam

Ikindijski farz se zaniijeti ovako: Nevejtü en usallije lillahi teala salate fardil-asri edaen mustakbilel kibleti Allahu ekber

- Subhaneke, euza, bismilla, fatiha i sura
- Bismilla, fatiha i sura
- Etehiijatu
- Bismilla, fatiha
- Bismilla, fatiha
- Etehiijatu, salavati, dove i predamo selam